



Broj: 01/1-50-1-85-55/05

Sarajevo: 31.10.2005.

Z A P I S N I K

sa 55. sjednice Ustavno - pravne komisije

Sjednica je održana 31.10.2005. godine sa početkom u 12,00 sati.

Sjednici su prisustvovali članovi Komisije:

- | | |
|---------------------|-----------------------|
| 1. Mirsad Ćeman, | 5. Tihomir Gligorić, |
| 2. Nijaz Duraković, | 6. Momčilo Novaković. |
| 3. Filip Andrić, | 7. Beriz Belkić i |
| 4. Seada Palavrić, | 8. Martin Raguž |

Član Komisije Petar Kunić nije prisustvovao sjednici iz opravdanih razloga.

Sjednici su prisustvovali u ime Vijeća ministara BiH Juso Halilagić, Milana Popadić, Petar Kovačević i Fevzija Bećirević u ime OHR-a Jelena Despot, u ime Visokog sudskog i tužilačkog vijeća Branko Perić, Teraza Nilson, Sven Urke i Elmira Pašagić..

Sjednici je prisustvovao sekretar Komisije Milan Zjajić i pripravnici volonteri Ivana Šupeta i Vildan Hadžihasanović.

Sjednica je završena u 13.30 sati.

Predsjedavajući Ćeman je predložio, a Komisija prihvatila, sljedeći:

D N E V N I R E D :

1. Verificiranje Zapisnika sa 54. sjednice, održane 13.10.2005. godine;
2. Prijedlog zakona o izmjenama i dopunama zakona o Visokom sudskom i tužilačkom vijeću BiH, predlagač Vijeće ministara BiH;
3. Prijedlog zakona o zaštiti ličnih podataka, predlagač Vijeće ministara BiH;
4. Ostala pitanja.

Ad. 1. Verificiranje Zapisnika sa 54. sjednice, održane 13.10.2005. godine;

Komisija je jednoglasno, bez primjedbi verificirala zapisnik sa 54. sjednice održane, 13.10.2005. godine.

Ad. 2. Prijedlog zakona o izmjenama i dopunama zakona o Visokom sudskom i tužilačkom vijeću BiH, predlagač Vijeće ministara BiH;

Nakon duže rasprave u kojoj su pored svih članova Komisije učestvovali i svi predstavnici predlagača i Visokog sudskog i tužilačkog vijeća, Ustavno-pravna komisija je kao nadležna komisija:

1. Sa šest glasova "za", uz jedan glas "protiv i jednim "uzdržanim" glasom podržala principe predloženog zakona,
2. Konstatirala da nije bilo uloženi amandmana,
3. Sa šest glasova "za", uz jedan glas "protiv i jednim "uzdržanim" glasom prihvatila tekst Prijedloga zakona o izmjenama Zakona o visokom sudskom i tužilačkom vijeću Bosne i Hercegovine, kako ga je predložilo Vijeće ministara Bosne i Hercegovine i
4. Konstatirala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Mirsad Ćeman.

Ad. 3. Prijedlog zakona o zaštiti ličnih podataka, predlagač Vijeće ministara BiH;

Nakon iscrpne opšte i rasprave o pojedinostima, Ustavno-pravna komisija je kao nadležna komisija:

1. Jednoglasno podržala principe predloženog zakona,

2. Konstatirala da su amandmane uložili posalnici: Filip Andrić, Martin Raguž i Momčilo Novaković.

Nakon provedenog glasanja Komisija je većinom glasova usvojila sljedeće amandmane:

AMANDMAN I

U članu 42. stav 2. se briše.

AMANDMAN II

U članu 43., 44., 45., 46., 47. i 48. riječ "zamjenik" se briše.

AMANDMAN III

U članu 56. stav 2. broj "2005." Se mijenja brojem "2006."

3. Jednoglasno prihvatila tekst Prijedloga zakona o zaštiti ličnih podataka, kako ga je predložilo Vijeće ministara Bosne i Hercegovine i

4. Konstatirala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Mirsad Ćeman.

Ad. 4. Ostala pitanja

Kako nije bilo prijedloga za ovu tačku dnevnog reda predsjedavajući je najavio članovima Komisije projekat Javnih rasprava u većim gradovima Bosne i Hercegovine o problematici obrazovanja, sa posebnim akcentom na visoko obrazovanje i donošenje zakona u toj oblasti. Projekat finansira Kanada, a suorganizator treba biti Istraživački centar. Predsjedavajući je u 13,30 sati zaključio sjednicu.

Napomena: Odlukom Kolegija sekretara Parlamentarne skupštine sjednice komisija se ne snimaju.

SEKRETAR KOMISIJE

Milan Zjajić

PREDSJEDAVAJUĆI KOMISIJE

Mirsad Ćeman